

重刊道藏輯要

重陽全真集

終南山重陽子王喆撰

詩

贈王俊

害風故故謁華宗三教唯公道話同此際遇逢齊上下中間會
聚各西東須知冬至青和白認取春分綠間紅急急三光如可
悟忙忙四假盡成空圓明一點皆能有物裏千般總被蒙覺性
自然通水湛達心那入百花叢般般打破仍歸妙箇箇還迴便
見終飯食充饑機兩妙面前相對玉玲瓏

道藏輯要

重陽全真集

壹

下胃集一

贈道眾

盡知長與道為隣搜得玄玄便結親悟理莫忘三教語全真修
取四時春養成元氣常充滿結住靈神沒漏津十九圓光如我
願敢邀相伴樂天真

詠雪

得其真趣絕搜尋物物般般總不侵碧落湛澄非有意白雲來
往本無心盈盈明月增佳致細細清風送好音舉目情觀潘岳
賦怡顏懶撫白牙琴外除花卉遊人靜內蘊芝苗只自臨決要
三田歸至寶亦令一性上高岑養成幻體如光瑩舞正胎仙似
嘯吟杳默昏冥長作伴寂虛永保水中金